

{يَوْمَ تَرْجُفُ الرَّاجِفَةُ} تفسير سورة النازعات .. الحلقة (30)

.. #دعوة_حب .. د . حازم شومان

حازم شومان

قل هذه سبيلي ادعو الى الله على وسبحان الله وما انا من المشركين السلام عليكم ورحمة الله وبركاته. الحمد لله وكفى وصلاة

وسلاما على عباده الذين اصطفى. اللهم لك الحمد كله ولك الملك كله وببده - 00:00:00

الخير كله واليك يرجع الامر كله. لبيك يا ربنا وسعديك. والخير كله في يديك. والخير كله في يديك والشر ليس اليك نحن بك واليك تباركت وتعاليت. نستغفرك ونتوب اليك. اللهم صل على محمد وعلى آل محمد كما صليت على ابراهيم -

00:00:46

وعلى آل ابراهيم انك حميد مجيد. اللهم صل على عبدك ونبيك محمد عدد قطر الامطار وعدد ورق الاشجار. وعدد ما اظلم عليه الليل وضاء عليه النهار. اللهم صل على نبينا محمد عدد خلقك ومداد كلماتك وزنة عرشك - 00:01:10

نفسك يا رب العالمين اللهم صل على عبدك ونبيك محمد في الاولين والآخرين والمآل الأعلى الى يوم الدين. ثم اما بعد. اخواني في الله. تخيل الراجفة تتبعها الرادفة جاء الموت بما فيه. تخيل الساعة اتنين بالليل وانت نايم وبكرة وراك امتحان. وانت نايمة بكرة وراك

مبدأ من - 00:01:30

اهم المواد في الامتحانات. وانت نايم وبكرة وراك شغل وانت نايم وبكرة وراك مشوار. الساعة اتنين بالليل لقيت واحد ماشي في الشارع. باعلى صوته ما بين كل والعمارات وهو يقول للناس كلها وعارف ان الناس نايمة بيصحي فيها. جاءت الراجفة تتبعها الرادفة.

جاءت - 00:01:52

الموت بما فيه. تخيل لو انت بصيت من البلكونة تشوف مين اللي بيقول هذا الكلام. لقينته رسول الله صلى الله عليه وسلم. هو ده اللي

كان نبي الله صلى الله عليه وسلم - 00:02:12

بعد نزول سورة النازعات. فيه يمشي في شوارع المدينة قبل تلت الليل الاخير. يعني بعد تلتين الليل. وهو ينادي في الناس يا ايها

الناس اذكروا الله اذكروا الله. جاءت الراجفة تتبعها الرادفة. جاء الموت بما فيه. جاء الموت بما فيه - 00:02:22

تخيّلوا يا اخواني ايه اللي خلى النبي عليه الصلاة والسلام يقول كده؟ وايه اللي خلى النبي يعمل كده؟ وايه اللي خلى النبي يمشي في

طرقات المدينة يوقظ اهل المدينة؟ بهذه - 00:02:42

اللي في سورة النازعات. يا رسول الله انا بكرة عندي شغل. يا رسول الله انا بكرة عندي مشوار يا رسول الله. انا بكرة عندي امتحان يا

رسول الله. ايه اللي يخلي النبي عليه - 00:02:52

الصلاة والسلام ينقذ الناس ويفعل مثل هذا اخواني في الله. من عدة ايام ميكروباس بيقل مجموعة من الطلبة. مجموعة من الطلبة خارجين من امتحان من الامتحانات والوقت في هذه الايام ما بتقابلش طالب مركز في حاجة غير في الامتحان والورق اللي بيتصور

والمادة وليلة الامتحان والاسئلة المهمة وتجاوب ايه وما جاوبش - 00:03:02

في ايه ويراجع عند مدرس مين ويعمل ايه الطلبة كلها والاهالي كلها حالة تعبئة عامة في المجتمع حالة طوارئ في البيوت حالة قلق

وتوتر ما بين الطلبة جميعا. والكل ماشي في اتجاه واحد وبيفكر في اتجاه واحد. اتجاه الامتحان بتاع بكرة ده هو هنعمل فيه ايه؟

مجموعة من الطلبة وهم راجعين - 00:03:22

الامتحان وماليين ميكروباص من الميكروباصات. يعني ينقلب هذا الميكروباص ويموت هؤلاء الطلبة جميعا. الله يرحمهم الله يرحمهم ولكن هذه رسائل لنا احنا نوقظ ان احنا نفوق ان احنا نفهم. ان ممكن في لحظة كل اللي انت فيه يقف. ممكن في لحظة. كل اللي انت فيه يقف تماما تماما. وتلاقي - [00:03:42](#)

نفسك في سكة تانية شوية يا جماعة. شوية وكل المشاكل اللي انت عايش فيها هتلاقي مشاكل تانية خالص خالص بتواجهك ممكن ما فكرتش فيها قبل كده. شوية وكل الامور اللي انت شايلها. هتلاقي في هموم تانية خالص. خالص ساعات ممكن ونبقى بين ايدين ربنا - [00:04:02](#)

سبحانه وتعالى. شوية وكل القضايا اللي تعبانه وكل القضايا اللي شاغلانا. وكل المواضيع اللي شدانا ممكن ما تبقاش خالص في حياتنا. ونلاقي واقع وما شغل تانية ومشاكل تانية. وهموم تانية وقضايا تانية خسارة. كل ليلة بتضيع من غير ما نقف بين ايدين ربنا سبحانه وتعالى. خسارة كل ساعة بتضيع من غير - [00:04:19](#)

نذكر ربنا سبحانه وتعالى. خسارة يا جماعة. خسارة عمرنا اللي بيتفلت من ايدينا. احنا مهمتنا العمر قصير والمهمة كبيرة. احنا مش عايزين كل واحد يحصل من يمكن ايه ؟ مليون جنيه عشان يشتري شقة جميلة يسكن فيها ويسيبها ولاولاده. من بعده. احنا عايزين نحصل تمن الجنة يا جماعة. تمن الجنة الليلة - [00:04:39](#)

بذن الله سبحانه وتعالى مع سورة النازعات الليلة باذن الله سبحانه وتعالى مع سورة النازعات سورة من الصور اللي نزلت في اخر مكة. سورة من سور الجزء الثلاثين. وزي ما قلنا المرة اللي فاتت في سورة النبأ اول سورة من سور الجزء - [00:04:59](#) الثلاثين زي ما قلنا يا جماعة الجزء الثلاثين ده بيكلم واحد واقف على شريط قطر على شريط قطر والناس كلها بتصرخ فيه وهو بيقول لهم هو فيه ايه! هو مش عارف ايه اللي ممكن يبجي! سورة النازعات جاية بعد اهم الانباء اللي اعلنت في سورة النبأ -

[00:05:13](#)

اهم الانباء اللي اعلنت في سورة النبأ يعني تخيل في اهم الانباء. فيه زلزال فيه زلزال قريب. تبجي سورة النازعات تكلم اللي لسة واقف على شريط القطر ولسه مش عايز يتحرك. ولسه مش عايز يتغير ولسه مش عايزه تفوق. ولسه مش عايزه تفهم سورة النازعات. نازلة في اخر مكة. مع - [00:05:28](#)

سورة الانفطار وسورة الانشقاق في اخر مكة. يعني طريقة ان خلاص كلها شهور والنبي عليه الصلاة والسلام يسبب مكة. يعني الفرصة اللي قدام اهل مكة خلاص بتنتهي. يعني يا جماعة الحقوا قبل الندم القاتل. الحقوا قبل ما الفرصة تتقف. الحقوا قبل ما محمد عليه الصلاة والسلام. يسيبكم ويروح ارض تانية - [00:05:48](#)

الحقوا قبل الندم القاتل. سورة النزعات نازلة في هذه المرحلة الرهيبة. اللي كان ربنا بيعد فيها الرسول والصحابه ان هم هينتقلوا وخلاص. لدار الهجرة بيوجه النداءات الاخيرة لاهل مكة. الحقه قبل الندم القاتل. سورة النازعات بتقول ايه؟ وبتتكلم عن ايه؟ وبتتكلم مع مين؟ سورة النازعات - [00:06:08](#)

انزع هم الدنيا من قلبك سورة النازعات بتنزع حب الدنيا من قلبك. سورة النازعات غارقة بتغرق في نزع تفاعلك مع هموم الدنيا وقضاياها. سورة النازعات انشغالك بهموم الدنيا ونسيانك لهوموم الاخرة. بتنزع امراض القلوب اللي جوة قلوبنا. سورة النازعات بتقول لك لو ما نزعتيش امراض القلوب اللي جوة قلبك - [00:06:28](#)

لو ما نزعتش هم الدنيا اللي جوة قلبك. لو ما نزعتيش حب الدنيا اللي جواك. لو ما نزعتش التعلق بالدنيا اللي جواك هيبجي ناس تانية هيبجي مخلوقات تانية في يوم من الايام هتنزع الروح وتغرق في نزع الروح. المشهد الاول في سورة النازعات مشهد على فراش الموت. مشهد - [00:06:50](#)

واحد في النزاع الاخير مشهد واحد وكتيبة كاملة من الملائكة حواليه. ما حدش شايفها خالص. مشهد واحد على فراش الاحتضار. في النزاع الاخير سورة النازعات بتقول اللي مش هينزع حب الدنيا من قلبه. روحه وهي بتنزع هيعاني اشد الام السكرات. وهي بتنزع سورة النازعات بتقول ايه - [00:07:10](#)

سورة النازعات بتقول لك والله ما هتفتكري حاجة من اللي انت بتفكري فيها دلوقتي يوم القيامة. والله ما هتفتكر العمارات بتاعة الدنيا والابراج. ولا هتفتكر الفلل والشاليهات. والله يوم القيامة ما هتفتكر العربيات والموبيلات والموديلات. والله يوم القيامة يا جماعة ما حد هيفتكر حاجة من اللي في الدنيا ده. ولو افكرناها نضحك - [00:07:30](#)

عليها وهنضحك على اللي كان شاغلنا عن ربنا بها. سورة النازعات بتقول لك فيه مشكلة كبيرة. اكبر من كل المشاكل اللي انت بتفكري فيها. سورة النازعات بتقول لك في كبيرة اكبر من كل القضايا اللي انت متفاعل معها. سورة النازعات بتقول لكم في هم كبير. اكبر من كل الهموم اللي شاغلانا واللي شدانا - [00:07:50](#)

واللي بعدانا عن ربنا سبحانه وتعالى. سورة النازعات بتقول في ضيوف هيجوا لك مخلوقات. جايين جايين هياخدوك هياخدوك اذا ولكن انتم استعديت بايه؟ انتظرت دول بايه؟ لما كان النبي عليه الصلاة والسلام يأخذ آيات سورة النازعات. ويمشي يهتف بالمسلمين في شوارع - [00:08:10](#)

المدينة المنورة يوقظهم لقيام الليل. يقول لهم جاءت الراجفة لكل حاجة هترتجف بسببها. تتبعها الرادفة النفخة الثانية في الصور جاء الموت بما فيه. بما فيه. ما التفخيمية التعظيمية بكل ما فيه. الله اعلم بما في الموت. الله اعلم بما في الموت يا اخواني - [00:08:30](#)

سورة النازعات سورة النازعات بتكلم مين؟ سورة النازعات بتكلم سورة النازعات بتقول لنا ان انتم ضعاف اوي. انتم قليلين اوي. انتم مش عارفين ان فيه المليارات من المخلوقات. مالية السماوات والارض بتعبد ربنا ليل نهار. وبتطيع امر ربنا وبتسعى في امر ربنا.

ومجتهدة في امر ربنا - [00:08:51](#)

الاجتهاد انتم ضعفاء اوي. انتم قليلين اوي انتم مش هتفرقوا مع ربنا حاجة. مش هتغيروا حاجة في ملكوت ربنا. ده ربنا بيناديكم رحمة بكم. زي ما نادى فرعون هات له موسى في الصورة رحمة به. هو كان فرعون هيفرق ايه مع ربنا لو ما كانش بعت له موسى -

[00:09:11](#)

هو كان فرعون هيفرق ايه لو كان ربنا خسف به الارض من اولها؟ هو كان فرعونها يفرق ايه؟ ربنا بيقول لنا في السورة سبحانه وتعالى بيقول لنا الدنيا قصيرة اوي - [00:09:27](#)

ايه اللي شغلتمك عني! دنيتي ايه اللي شغلتمك عن الجنة! دنيا ايه اللي نستكم الفردوس الاعلى! دنية ايه اللي شغلتمك عن طريقي! دنية ايه! ده انتم والدنيا دي كلها هتتحل - [00:09:37](#)

ساعات وكل ده هيروح يا جماعة. ساعات وكل التليفزيونات اللي بتتفرجوا عليها. والاشخاص اللي بيكلموهم ويكلموك وتسمعوهم. والدنيا والبيوت اللي ساكنين فيها والمباني اللي احنا فيها. وكل اللي احنا فيه ده هو ساعات وكل ده هيروح. ساعات وكل ده هينتهي وهياقينا هنلاقي نفسنا في مكان ثاني بنحاسب - [00:09:49](#)

عما قدمناه في هذه الحياة. سورة النازعات بتقول لك دنيا ايه اللي شغلتمك عن ربنا. دنيا ايه! حياة ايه! قصة موسى مع فرعون. خدت سنين سنين وسنين يا جماعة. ربنا يجيبها في سورة النازعات في اربع سطور. اربع سطور هل اتاك حديس موسى يروح لفرعون؟ فرعون يأبى اخذه الله - [00:10:09](#)

الآخرة والاولى خلصت القصة. يا رب ده القصة دي قعدت سنين وسنين يا رب في اربع سطور على طول كده ايوه يا جماعة. عشان نتعلم ان الدنيا كلها قصيرة. ان الحياة كلها قصيرة. قصة الداعية انتهت في اربع سطور. وقصة الطاغية - [00:10:29](#)

في اربع سطور. وقصة اللي عاش عشان ربنا خلصت. وقصة اللي عاش عشان شهواته. خلصت والدنيا خلصت. اللي اطاع مات واللي عصى مات امل مات واللي كفر مات اللي عاش عشان ربنا مات. واللي عاش نفسه وشهواته عاش عشانها مات. القصة هتخلص اسرع مما تتخيله - [00:10:44](#)

اسرع مما تتصوره بعد كده. بعد القصة اللي قعدت سنين ما بين موسى وفرعون ده هي اللي جت في اربع سطور. ربنا يجيب قصة ثانية. ام السماء بناها قصة السماوات وهي بتتبني والارض بعد ذلك دعاها. لما كانت الارض لسه كتلة من نار. اما بردت وبقت ارض فيها مرعى - [00:11:04](#)

وزروع ومائة القصة ما خدتش عشرات السنين. خدت ملايين السنين. ملايين ده الشمس بس لوحدها بقى لها خمسة مليون سنة. خمسة مليون سنة او خمسة مليار سنة. الشمس بس لوحدها يا جماعة. بقى لها خمسة مليون سنة متقضة متوهجة. يعني تخيلوا ان القصة اللي بعد كده خدت ملايين السنين - [00:11:24](#)

وربنا برضه يجيبها في اربع سطور اربع سطور يا رب. ملايين السنين يا جماعة القصة دي كلها هتخلص بدري قوي. عايزين نقصر. عايزين نفوق. عايزين نفهم. عايزين نفهم ان ما فيش وقت احنا عايزين نحصل - [00:11:44](#)

تمن الجنة في العمر القصير ده. خسارة كل ليلة بتضيع منك. خسارة كل ساعة بتضيع منك. خسارة كل وقت بيعدي من علينا. سورة النازعات بتكلم مين بتكلم مين بيتكلم اللي واخدها فلانسيه. اللي ماشي واخدها سلاسيه. اللي واقف على شريط القطر وقعد يفكر. طب افكر طب اشوف يا ابني الوضع لا يحتمل. سورة النازعات - [00:11:57](#)

اتكلم بيتكلم يا جماعة اللي في الدنيا دهيت احيانا. احيانا الانسان ممكن يعمل تصرفات وممكن تخيل واحد قاعد في مبنى قاعد يلعب. وقاعد يتفرج على والمبنى ده هينفجر بعد دقيقة بالزبط - [00:12:19](#)

اشد من ان المبنى هينفجر ان هو بيلعب لما ينفجر فيه لما يعني ساعتها ده مش غافل ده مغفل. ده مغفل ده مش داري باللي هيحصل فيه. مشهد الانسان اللي وسط الخطر الرهيب وهو بيلعب - [00:12:33](#)

سورة النازعات بتكلم دول ، شف ربنا يوم تاجف الراجفة تتبعها الرادفة. يوم القيامة ونفختين في يوم واحد تخيلوا المشهد تتبعها الرادفة يقولون شف ربنا بعثها بيقول ايه بقى يوم القيامة. يقولون ائنا لمردودون في الحافرة. ائنا كنا عظام النخرة انت - [00:12:46](#)

هم بيقولوا ايه ؟ عارف يعني ايه انا لمردودون في الحافرة؟ الحافرة دي يعني بيقول لك احنا لما هنبقى حفريات حفريات لما هنموت. وبعد الف سنة يبجي مقابر فوق مقابرنا وبعد تلت تلاف سنة يتردم طبقات على طبقات وتتغير جغرافيا الارض - [00:13:04](#)

المكان اللي كان نهر يبقى صحرا والمكان اللي كان جبال يبقى خضرة. والمكان اللي كان صحرا يبقى جبال بعد ما لقي بعد الوف السنين. لما نبقي احنا في باطن باطن - [00:13:21](#)

الارض لما نبقي حفريات فانا لمردودون في الحافرة. حفر القبر ده احنا هنقوم منها تاني. تاني لما نبقي حفريات لما كنا في متحف الطب الشرعي نشوف بعض مشاهد الحفريات. يعني تخيل جثة بقى لها تلات تلاف سنة واكتشفت. تلاقي نص الجمجمة متاكلة ولحم الوش متاكل وباقي شوية ملامح من - [00:13:31](#)

الجلد وبعض اللحم منظر والتراب مغرق الجسة والمنزر الغبار والقدم مغرق المنزر تبص للمنزر كده تفزع غير احزر اي جسة جديدة. منزر الحاجات اللي بقى لها الفين تلات تلاف سنة. ائنا لمردودون في الحافرة. جايبين لك مشهد لما بقوا حفريات وبيقول لك طب هنرجع ازاي ؟ بعد - [00:13:52](#)

ده هنرجع ازاي وبعد كده يجيبوا مشهد تاني اشد اذا كنا عظاما نخرة نخرة وفي قراءة صحيحة اخرى اذا كنا عظاما نخرة يعني ايه ؟ يقول لك بعد ما اللحم يتحلل وبعد ما الجلد يتحلل والجوارح تتحلل والاعضاء تتحلل. بعد ما يبقى ما عدش فيه غير عظم - [00:14:12](#)

والعظم كمان المادة اللي جواه تتحلل ويبقى العظم فاضي مجوف. ويبدأ العظم يتنخر فيه. بحيس ان الريح تدخل من ناحية تخرج من الناحية الثانية من العظم ولها صوت زي صوت المنخار. زي صوت مناخير الواحد لها صوت طالع منها. بيقول لك بعد ما نبقي حثة عظمة - [00:14:31](#)

في صحرا والهوا بيدخل فيها من ناحية يخرج من الناحية الثانية بهذا الصوت. هنطلع ازاي ؟ هنقوم ازاي ؟ بعد كده النخر يشتد لغاية ما تبقى رمان لغاية لما يبقى الانسان رميم لغاية ما يبقى العظم ده متفتت. قاعدين يقولوا تخيلوا يا اخواني. تخيلوا يوم القيامة - [00:14:51](#)

لما الكلمات اللي الانسان قالها يسمعها تاني يوم القيامة. لما طالب ما زاكش في الامتحان وقاعد في الامتحان. فصل ورقة الاسئلة ما هوش عارف يجاوب حاجة فتحوا له شاشة قدامه فيها مشهد ماتشات الكورة اللي كان بيلعبها. ومشهد الفسح اللي خرجها. ومشهد

السينمات اللي راحها. ومشهد اللعب اللي لعبه والرحلات - 00:15:08

اللي طلعتها فهو بيتفرج على بيتحسر على ان في وقت الجد لعب. وبيندم على التفریط في زمن بيندم على التفریط في زمن البزر. يا ترى المغنيات لما يسمعو كلمات الاغاني اللي غنوها يوم القيامة هيقولوا ايه؟ يا ترى اللي قعدوا يستنوا امبارح انجلترا والجزاير؟ مين اللي هيكسب فيهم؟ هنشمت في للاسف - 00:15:28

الكورة دمرت الولاء والبراء في قلوب المسلمين. الناس عايزة انجلترا. الناس عايزة انجلترا كان احنا انتقاما من خروجنا من كاس العالم. يا ترى هو بيتفرج على نفسه يوم القيامة وهو بيتفرج على ماتش كورة. يا جماعة فيه فرق كبير - 00:15:48

من ان واحد داخل يتعدم وهو على حبل المشنقة يفرجوه على فيلم فيه جريمته وهو بينفزا ده بيقهره قلبه بالمعصية اللي جابته هنا انما فيه فرق ان واحد تاني وواحد تاني والطالب قاعد كده اهو يجيبوا له فيلم الايام اللي لعبها والايام اللي ضيعها فرق كبير وفرق تاني خالص - 00:16:02

سورة النازعات بتكلم مين؟ بتكلم اللي بيلعب. بتكلم مين؟ بتكلم اللي مش مقدر خطورة الموقف. بتكلم مين؟ بتكلم اللي لسة بعد سورة النبأ مصمم انه يفضل على - 00:16:23

القطر سورة النازعات بتقول ايه؟ قال تعالى اعوذ بالله من الشيطان الرجيم. بسم الله الرحمن الرحيم. والنازعات غرقا والناشطات نشطة. المشهد الاول في سورة النازعات. مشهد على فراش الموت. مشهد واحد في النزاع الاخير. النزاع يعني ايه؟ نزاع الحاجة يعني قلعتها. تخيل - 00:16:33

الشجرة بعد ما جدرت وجدورها انتشرت في الارض وفرعت ونزلت واتشعبت. واحد بيشدها وبينزعها بيقلعها من الارض تخيل كل جدر وهو طالع بيقطع في الارض قد ايه؟ بيفتت في الارض قد ايه؟ اهو ده مشهد النزاع الاخير. مشهد الروح والملائكة بتنزعها. بتنزعها - 00:16:53

وبتغرق في نزعها والنازعات غرقا غرقى يعني بتغرق في النزعة يعني ايه؟ يعني بتنزع الروح من كل شعرة من شعر الراس وشعر الجسم بتنزل الروح من كل غدة في الجسم. بتنزع الروح من كل مركز من مراكز المخ. من كل عضلة من عضلات الجسم من كل عظمة. من كل صابع من اصابع الايدي والرجلين - 00:17:13

من كل ظافر من تحت كل ظافر. من كل عضو من اعضاء البطن. يعني ايه يا جماعة؟ ازاى؟ يعني دلوقتي لو واحد جسمه سليم وعضو واحد من اعضاءه مرض وتآلم الم شديد ممكن يروح المستشفى فيها. ويعملوا له عملية بسبب هذا الم الشديد. تخيل كل حنة في الجسم بتتآلم هذا الم. والم - 00:17:33

ايه الم النزاع زي شجرة بتنزع من التربة بعد ما جدرت فيها. شجرة الروح جدرت في كل في كل زرة في جسمك من كل زرة. طب الكلام ده النازعات اللي هم ايه؟ الملائكة اللي بتنزع! طب الكلام ده للجميع لا يا جماعة ده ده المشهد الاولاني. في المشهد الثاني والناشطات نشطة - 00:17:53

واحد على فراش الموت برضه بس شتان ما بين ميت وميت. شتان ما بين الملائكة اللي بتنزع هنا والملائكة اللي بتنشط في اخراج الروح هنا. شتان ما بين حال الحال ده شتان ما بين الوضعين والنازعات - 00:18:13

غرة الملائكة اللي بتنزع ارواح الفاجرين والعياذ بالله. ارواح الكافرين وارواح الفاجرين. ده مين ده؟ مين اللي روحه بتننازع بصعوبة ده؟ ده اللي كان كل علاقاته في الدنيا ده اللي كان كله ارتباطاته في الدنيا. ده اللي كان كل انشغالاته في الدنيا. ده اللي كان كل اهتماماته في الدنيا. ده اللي ما كانش يعرف حاجة اسمها اخرة. ما كانش بيفكر في الاخرة - 00:18:28

ما يعرفش لما بتيجي الروح تنزع الروح مش معقولة تسبب الجسم وشهواته وملزاته. مش قادرة تسببه. فيبقى الشد شديد والعياذ بالله انقز نفسك من الم الموت. فيه قلوب عايشة مع السماء. وقلوب عايشة مع الارض وشهواتها. القلوب اللي عايشة مع الارض وشهواتها بتعاني الام رهيبه في نزاع - 00:18:48

نروح من الجسد. لان الجسد ماسك في الروح. انما القلوب اللي عايشة مع السماء بتطوف حول عرش الله. قلوب خفيفة بتخرج بدون

الم موت. انقذ نفسك من الم الموت من الان والنازعات النازعات على وزن فاعلات. عملية مستمرة يا جماعة. عملية قبض الارواح

عملية مستمرة الارواح عادة تطلع تطلع - 00:19:08

كل يوم ربع مليون روح بتطلع للسماء. فيه كم واحد منها الروح بترد وبتنزل الارض ثاني. وكم روح بتفتح لها ابواب السماوات وتبعد حتى تسمع بارئها كم واحد بينزع روحه وكم واحد بتنشط الملائكة في اخراج روحه كام ؟ والنازعات غرقا. من معاني النزاع. اما يكون

الحاجة اللي بتشدها - 00:19:28

من اللي قدامك ماسكة حاجة صعبة. يقول لك فيه نزاع ما بين طرفين. يعني كل واحد ماسك في حطة الارض دي. يقول لك ينزع الملك ممن يشاء. يعني الملك ماسك في عرش الملك مش عايز يسيبه. مش عايز يتعتع. يبقى النزاع ده لما يكون حاجة شديدة ماسكة

- 00:19:48

من معاني النزاع في اللغة يا جماعة لما واحدة تروح تتجوز في بلد ثانية غير اهلها. بلد ثانية بعيدة يبقى قلبها ملهوف على اهلها. لما

واحد امه تتأسر يبقى ملهوف انه يشوف امه لما واحد - 00:20:05

يفارق بلده ويبقى غريب ملهوف انه يرجع لبلده. يعني النزاع ده لما واحد ملهوف على حاجة وبتتاخذ منه غصب عنه. لما واحد هيموت على حاجة وبتتاخذ منه وبتتنزع منه وبيتنازع عنها. غصب عنه. غصب عنه بيبعد عنها. والنازعات غرقا. والنازعات غرقا -

00:20:18

النازعات الملائكة اللي بتخرج وبتنزع وبتغرق في نزع ارواح الفجار. النشاطات ناشطة الملائكة اللي بتنشط في اخراج ارواح المؤمنين. طب يا رب ليه سميت السورة النازعات؟ منظر الملائكة سود الوجوه دي اللي معها كف من النار ومعها حنوت من النار

والعياذ بالله. اشمعنى يا رب اشمعنى - 00:20:38

تيجي في الاول. واشمعنى ديت اللي يتسمى باسموع السورة يا رب؟ اسمعنا. يا جماعة احنا محتاجين نخاف يا اخوانا احنا محتاجين نخاف. الناس تقول صورة النبأ تتكلم عن الآخرة. واتكلمت عن الجنة برضو. وسورة النازعات بتتكلم عن الموت. يا جماعة احنا لازم

نخاف يا اخواني - 00:20:58

زائد ان معظم للأسف اللي بيموتوا بيموتوا بالنزع مش بيموتوا بالنشر باخراج الروح. يبقى لازم ننتبه لازم ده ساعات دي مش عايزين نشوفها مش عايزين نشوف هذه الملائكة بازن الله حتى نخرج من الحياة على خير. مش عايزين نشوف هذه الملائكة والنازعات غرقا.

قال لك غرقى مشهد واحد بيغرق - 00:21:14

بيغرق ازاى يا هوب! ده نايم على فراش الموت! ده بيموت وهو في عربية! ده بيموت وهو في صحرا ما فيش فيها نقطة مائة! ازاى يا

رب بيغرق! يا جماعة ممكن واحد يموت غريق في - 00:21:34

وما داقش الموت. وواحد يموت على فراشه ويدوق الم الغرق. اللي كان لما بيسمع ان واحد غرق في البحر في الدنيا يتفرع ويتربع من شدة موة وهو مش عارف انه ممكن يتعرض لنفس الالم. لو لم ينزع الشهوات من قلبه لو لم ينزعها والنازعات غرقى. بعض العلماء

قال لك غرقى - 00:21:44

يعني بتاخذ ارواح الفجار تغرقها في جهنم بعد ما بتنزعها والعياذ بالله. البعض ابن مسعود قال لك لأ. قال لك ده الملائكة بتنزع

الارواح. تاخذها من اطراف الجسم وبعد كده تقوم مغرقها في الجسم ثاني سايبها ثاني - 00:22:04

وبعد كده تبدأ تنزع ثاني. وبعد كده تسببها ثاني وتنزع ثاني وتسبب ثاني. عشان يدوق الم نزع الروح كذا مرة. عشان يدوق هذا الالم كذا مرة رهبة والعياذ بالله عايزين ننزع شهوات من قلوبنا. عايزين ننزع امراض القلوب من قلوبنا. عايزين ننزع الدنيا من قلوبنا.

عايزين نقابل ربنا بقلوب نشيطة. منطلقة الى الله سبحانه وتعالى - 00:22:18

اهي دي بقى والناشطات ناشطة. يعني ايه يا جماعة النشاطات؟ يقول لك ناشط سياسي. يعني ايه؟ قاعد يلف من بلد لبلد من مكان لمكان من قارة لقارة بيتحرك بيتحرك بسرعة. الروح المؤمنة وهي بتجري بسرعة مش مصدقة. مش مصدقة. في لغة في حاجة اسمها

الانشوطة - 00:22:41

فبين الانشطة اللي هي ايه ؟ بالمصطلح بتاعنا الفيونكة يا جماعة. عارفين الفيونكة لما حد يربط اي حاجة فيونكة على علبة يقوم يشد طرف تقوم تتفك في سهولة فيونكة دي زمان الانشودة. لان بيدو انت تعب بدون الم بدون مشاكل بتتفك. رح بتخرج بدون الم. رح بتخرج بدون تعب. رح بتخرج بدون الام - 00:23:01

الدنيا كلها والتي فيها النشاط يا جماعة يقول لك كانما نشط من عقال. واحد كان مسجون وخرج واحد كان مريض مشلول وقام واتحرك. كانما نشط من عقال. يبقى واحد كان متقيد واتفك يعني ايه؟ يعني سورة النازعات - [00:23:21](#)

بتقول لك في اول مشهدين لها مشهد واحد على فراش الموت وملائكة العذاب بتنزع روحه. ومشهد واحد على فراش الموت وملائكة الرحمة بتنشط في اخراج روحه بخفة وسهولة بتقول لك ان الناس عند الموت نوعين نوع بالزبط - [00:23:39](#)

زي اللي جم وهو في بلده وسط احبابه واهله قالوا له يلا عشان هتتنفي في بلد تانية. عشان هتدخل السجن وهتسيب احبابك واهلك ويبقاوموا وبينزعوه غصب منهم وبينزعوه يشدوه منهم. ادي النوع الاولاني. النوع الثاني واحد في سجن. واحد في غربة - [00:23:55](#)

وجم قالوا له خلاص جه ميعاد رجوعك لاهلك. جه ميعاد رجوعك لوطنك. جه ميعاد رجوعك لاحبابك. جه معاد رجوعك لكل حد انت اشتقت له. خلاص بنشاط يجري العربية تحت مش مصدق يلم حاجاته ازاى ؟ الواحد لما بيبقى مسافر ويبقى العربية موديتها لبلده تاني بيبقى مش عايز العربية تنهب الارض نهب. اخيرا - **00:24:14**

خلاص جه معاد لقاء حبيبي. جه معاد لقاء ربي ومولاي اللي اشتقت اليه ياه! اخيرا جه ميعاد لقاء رسول الله صلى الله عليه وسلم اخيرا جه معاد رؤية الفردوس والجنة والتنعيم. اخيرا اخيرا هشوفك يا رب اخيرا هسمعك يا مولاي. اخيرا هكلمك وهلقاك -

00:24:37

يا ربي الروح المؤمنة مش مصدقة يا جماعة بتنشط بتجري بتنطلق في خفة في خفة اخيرا فرحانة فرحانة الله! فرحانة بلقاء الرسول عليه الصلاة والسلام. فرحانة بلقاء الصالحين. فرحانة بالنعيم والجنة والابواب اللي قلوبها مستشعرة انها مفتحة قدام - [00:24:57](#) ما بعد العمل الصالح. فرحانة يا جماعة. فرحانة مشتاقة. تخيل انت انه في نوع من الاثنين. الاثنين الاولانيين جاييين المشي المشهد الاخير في حياة واحد قلبه اتعلق بالدنيا وشهواتها والمشهد الاخير في حياة واحد قلبه اتعلق برينا وبالجنة. تخيلوا الفرق ما بين الاثنين. واحد بيدوق اشد الالم في الموت. واحد الالم - [00:25:17](#) المدة ولا له اي الم ولا فيه اي شدة ما بين الاثنين دول فيه درجات كتير جدا. فيه ناس اقل من كده في الالم. فيه ناس اقل من كده في النشاط. هم درجات عند الله. انت عايز تبقى ان - [00:25:41](#) لدرجة انت عايز تبقى مقامك اني مقام انت عايز تبقى مين في دول الاثنين. يا جماعة دول ملايكة الرحمة ودول ملايكة العذاب. طب وبعدين؟ طب هنعمل ايه؟ طب يعنى هو - [00:25:53](#)

انزلوا بناء على ايه بينزلوا يقبضوا الارواح بناء على ايه ؟ يا جماعة كل واحد مننا مراقب رقابة صارمة. من ملايكة الرحمة وملايكة العذاب. ازاى ؟ قاتل المئة حديس قاتل المئة لما مات قاتل المئة في الصحراء نزلت ملايكة الرحمة وملائكة العذاب. ملايكة الرحمة

بتقول لقد تاب. لقد جاء مقبلا - 00:26:03

بقلبه على الله وملائكة العذاب بتقول انه لم يعمل عملا خيرا قط. يعني ايه؟ الاتنين كانوا مراقبينه. الاتنين كانوا مراقبينه كل واحد من الاتنين نازل عشان يأخز روحه ويتسلبها من ملك الموت بعد ان قبضه واخذها. يعني ايه؟ يعني انت ملايكة الرحمة مراقباك وشايفة الاعمال الصالحة اللى بتعملها. وملايكة - 00:26:25

عذاب مراقبة اعمال السوء اللي انت بتعملها. يبقى كانت رقابة شديدة. لغاية ما انتهت بالمشهد الاخير. المشهد اللي احنا شايفينه قدامنا الان يا جماعة. هذا المشهد الاخير والنازعات غرقا والناشطات نشطا والنازعات غرقا والناشطات نشطا يعني الفرق ما بين المشهدين زى فرق - 00:26:45

واحد روحه بتتنزع زى شجرة بتتنزع من ارض. وواحد سجين واتقال له يلا يا جماعية الخروج. يلا انطلق الى الله سبحانه وتعالى. يلا

انطلق الى رب يلا انطلق الى الله انطلق الى مولاك. والنازعات غرقا والناشطات نشطة. دول صنف من الملائكة دول صنف - 00:27:05
والسباحات سبحا. الملائكة اللي بيسبح ده يا جماعة. ده ده صنف من الملائكة برضه. ملايكة مالية السماوات كلها والاراضي كلها. في كل مكان بتسبح في طاعة ربنا منطلقة في عبادة ربنا سبحانه وتعالى - 00:27:22

يا جماعة الملائكة الملائكة دي كتير اوي. الملائكة دي اصناف زي ما البشر دكاترة ومهندسين وتجار وحرفي الملائكة اصناف لا تعد اصناف كتيرة تخيل ربنا بيقول لك والسباحات سبحا. اللي بيسبح ده لو بطل حركة بايديه ورجليه يغرق يموت. السامح ده ما بيبطلش حركة. ما بيبطلوش طاعة - 00:27:37

ما بيبطلوش مهام. ما بيبطلوش انطلاق الى الله. ما بيبطلوش اللي بيسبح ده بينطلق بلا عائق. ما فيش حاجة معطلاها. منطلقين الى الله بالعاقب انت كده كان ربنا بيقول انتم انتم قليلين اوي. انتم ايه؟ انتم ضعاف اوي. انتم لو شفتم اللي بيعبدوني في السماوات والارض هتذهلوا - 00:27:57

ما تعرفوا انا غني عنكم قد ايه. فالسباقات سبقا. الملائكة اللي بتسبق بتنفيذ امر الله سبحانه وتعالى. ولا تسبقها الشياطين ابدا ولا يسبق ابدا. فالمدبرات امرا. اه لو تشوف الكون وربنا بيدبر امره. اه لو تشوف هيمنة ربنا على كل شيء في الكون. يا جماعة فيه ناس عايشة غافلة مغفلة - 00:28:17

ولا فاكرا ان تخطيطها هو اللي يحرك الحياة. فاكرا ان الدنيا هتمشي في ترتيبها وبدماغها وبخططها. وبآرائها وبرؤيتها. يا جماعة لأ يا جماعة. الدنيا ماشية طب قوانين ربنا اللي وضعها سبحانه وتعالى. تعالوا نشوف ربنا وهو مهيم على السماوات والارض. كلها باللي فيها. فالمدبرات امرا يوم - 00:28:37

هيجي يوم ربنا بيقسم بكل الاقسام داهية على ان هيجي يوم. اليوم ده جاي جاي. يوم المعاد بتاعكم اليوم ده هو. يوم ترجف الراجفة يوم ترجف الارتجاف ده الحمى بتسمى الراجف. لان هي بتخلي الانسان كل حاجة فيه ترتجف وايديه ترتجف. وسنانه من الارتكاف تخبط في بعضها. وجفونا - 00:28:57

عينيه ترتجف ويبقى شاخص ببصره مش قادر يتحرك من الارتجاف. يوم ترجف اليوم اللي كل حاجة هترتجف فيه. يوم ترجف الراجفة الراشفة اللي هي النفخة الاولى. النفخة الاولى اللي لما هتنفخ الكون كله هيرتجف. الجبال والسماوات والارض والبشر والمخلوقات. كل حاجة هترتكب - 00:29:18

وكل حاجة هتنتهي والكون هينهار. يوم ترجف الراجفة. تتبعها الرادفة. الرادفة اللي هي النفخة الثانية بقى. الراجفة النفخة اللي الكل مات بها فيها الرادفة النافخة اللي الكل بيحصل بها برضو الرادفة يعني هيجي نفخة تانية يرتجف لها الكون. يعني هنموت على ارتجاف وهنصحى على ارتجال - 00:29:38

يوم ترجف الراجفة. فيه ناس قالت الراجفة اللي هي الكرة الارضية. يوم ترجف الارض والجبال هترتجف من الهلع. قالوا الرادفة دي السماء بقى تتبعها الرادفة لما السماء هتنشق وتنتثر وتنفطر وتتبع الارض في الارتجاف الرهيب في كل جزء من اجزائها. وكل شبر من اشبارها وكل جرم - 00:29:58

من اجرمتها وكل ما دار من مداراتها يوم ترجف الراجفة الرجيفة النفخة الاولى تتبعها الرادفة النفخة الثانية. طب يا رب الفرق ما بين النفختين يحصل فيه ايه؟ اثر من اثار بني اسرائيل. ان الله لما يقبض ارواح الخلائق جميعا - 00:30:18
ينادي في ملك الموت من بقى يا ملك الموت؟ الملائكة اقبط روح الملائكة. من بقى يا ملك الموت؟ يا رب جبريل واسرافيل اقبط روح اسرافيل من بقى يا ملك الموت؟ جبريل اقبط روح جبريل. جبريل يا جماعة. من بقى ملك الموت -

00:30:34

لم يعد الا انا يا رب مت يا ملك الموت. يموت ملك الموت. خلاص الكون انهيار. البشر ماتوا. الملائكة ماتوا. ملك الموت مات. لم الا الله بالزبط يا جماعة زي ما كان الله ولم يكن قبله شيء. تخيلوا يا جماعة تكون في هذه اللحزة ما بين النفختين دول والله - 00:30:54
ينادي لمن الملك اليوم؟ ما فيش الكل مات تخيلوا يا جماعة الجبال انهزت. السمك مات المحيطات الماية كل حاجة راحت وربنا ينادي

لمن الملك اليوم؟ ما فيش يرد الملك على نفسه. الملك اليوم لله الواحد القهار. كان - 00:31:16

اه ولم يكن قبله شيء. تخيل ما بين النفختين يرجع الكون ثاني. الله وليس معه شيء. الله وليس معه احد. متخيل وما قدروا الله حق قدره. انت متخيل جلال الله! متخيلة جلال مقام الله سبحانه وتعالى. يوم ترجف الراجفة - 00:31:36

تتبعها الرادفة. الرادفة اللي جاية جاية. الرادفة اللي هتتبع. ما فيش عمل سوء مش هيتبعه حساب. ما فيش عمل صالح مش هيتبعه سواب. ده قانون قانون من الله سبحانه وتعالى قانون الهي. الكون ماشي عليه - 00:31:56

يوم ترجو في الراجفة تتبعها الرادفة. قلوب يومئذ واجفة. الوجف ده يقول لك استوجف الحب قلبه. يعني الحب ودي قلبه خلاص. قلبه اتخلع من مكانه. قلبه ذهب كل مذهب. قلبه ما عدش له مكان. ما عدش له قرار. يبقى يا جماعة قلوب يومئذ واجفة - 00:32:12

القلوب مخلوعة من مكانها من شدة مشاعر الهلع والفرع والرعب والخوف والقلق والتوتر واليأس قلوب وفي قلوب تانية مطمئنة قلوب يومئذ لانها كانت في الدنيا مش واجفة مش خائفة. قلوب يومئذ لانها تفضل طول اليوم الخمسين الف سنة واجفة. قلوب يومئذ واجفة - 00:32:32

ابصارها خاشعة. خاشعة يا جماعة يعني لو كانت جبل كان اتهد وانهار من المناظر اللي شايفها خاشعة يعني مكسورة هتفتت من الفرع من المناظر اللي شايفها. ابصارها. الكلام ده مش كلامي ده كلام الله. الكلام ده مش كلامي ده ربنا نزل به جبريل من سبع سماوات على قلب رسول الله. صلى الله - 00:32:52

عليه وسلم عشان الناس تفوق. عشان كل واحد قاعد على شروط القطر يفوق. يقوم قبل ما تيجي الراجفة تتبعها الرادفة قبل ما تيجي الراجفة تتبعها الرادفة. قلوب يومئذ واجفة مرعوبة مخلوعة. ابصارها. ابصار القلوب يعني البصر ده خادم او او - 00:33:12

عند القلب او بيعبر عن اللي في القلب. عايزة تعرفي اللي في قلبك؟ شوفي وانت ماشية في الشارع قلبك بيروح على ايه؟ بيروح على دنيا بيروح على عمارات قلبك بيروح على - 00:33:31

موبايلات بيروحوا العربيات يبقى ده اللي في القلب ابصارها اعرف من عينيك قلبك فيه ايه وبيحب ايه؟ ابوسارها خاشعة يقولون يقولون ائنا لمردودون بيتريقوا وبيسخروا ائنا لمردودون في الحافرة - 00:33:41

ربنا يا جماعة في وسط المشهد الرهيب دوت جايب كلماتهم اللي قالوها في الدنيا بقى. تخيلوا بقى كلمات الحب لما يفتكرها الحبيبة واغاني الحب والمباريات. واللي كانوا مفتونين العربيات ساعتها هتفتكر كل ده. ساعتها هتتحسر على اي اهتمام غير الاخرة. ساعتها هتندم على اي هم غير الدار الاخرة. ساعتها يا فرحة اللي اشتغل للحزة دي - 00:34:00

السعدية وعمل لما بعد الموت عمل لما بعد الموت يوم ترجف الراجفة تتبعها الرادفة. قلوب يومئذ واجفة. ابصارها خاشعة. يقولون ائنا لمردودون في الحفرة؟ الحافرة يا جماعة رقم واحد حفرة القبر. هنطلع من الحفرة دي ثاني والحافر بتاع الفرس اللي بيحفر به الارض وهو ماشي - 00:34:22

هنقوم ثاني ونمشي على رجلينا ونحفر في الارض ممشيين على رجلينا ثاني ائنا لمردودون في الحافرة بعد ما هنبقى حفريات وطبقات على نقط من الارض هنرجع ثاني ونقوم ثاني. ائنا لمردودون في الحافرة. بعض العلماء قال الحافرة هي النار. ليه؟ لانها بتحفر في امراض القلوب اللي موجودة - 00:34:45

وتسلط عليها النار والعياذ بالله. ائنا لمردودون في الحافرة. الحافرة اللي هي القبور لان الارض بتحفر في الاجسام. بتاكل في الاجسام بتحفر فيها حفر بتاكلها بعد ما هنتحفر وهيتاكل في جسمنا نقوم ثاني ائنا لمردودون في الحافرة - 00:35:05

فيه ناس لما تعرف ان فيه حد بيحفر وراها وبيدور على فضايحها تترعب. يبقى ازا المجرم دايم ما هوش عايز حد يحفر وراه. انا لمردودون في الحافرة الحاجات اللي اتردمت والجرائم اللي ماتت. والاعمال السيئة اللي عملناها من سنين. يرجع ثاني! يتفتح علماء ثاني ونتحاسب عليها ثاني! ائنا لمردودون - 00:35:23

في الحافرة اذ كنا عظاما نخرة بعد ما نبقي عظام بقى لها صوت مرمية في الصحرا بيطلع منها صوت زي صوت النخيل بتاع الانف دوت هيطلع منها الصوت ثاني نوم ثاني. قالوا تلك اذا كرة خاسرة - 00:35:43

لما اتنين مجرمين يقعدوا مع بعض عملوا جرايم كتير بشعة. يقوموا يقولوا لبعض ايه يقوموا يقولوا لبعض ده احنا يا جدد. لو

البوليس قبض علينا ده احنا هنروح في داهية ويتحكم. اهو ما فيش مشهد بيتصور في الافلام. عن - [00:35:59](#)

مجرمين اشد من المنزر ده لما يحب يقول لك ده مجرم يجيبوه بيتكلم على الجرايم بتاعته وهو بيضحك. هم دول. يقولون انا لمردودون في الحافرة فاذا كنا عظام النخرة قالوا تلك اذا كرة خاسرة. ده لو ده حصل هنروح في داهية ويضحك. تلك يعني ده امر

مستبعد اوي لانه اسمه اشارة - [00:36:15](#)

تلك اذا اذا دي تحس انهم بيضحكوا وبيقولوها. كرة خاسرة مجرمين. مجرمين وعارفين انهم ضلال. بس يقول لك ايانا يوم القيامة وقت الله يعين الله. الايام دي يعني حلني. حلني لما يبقى يبجي يحلها الف حلال سبحان الله! على الغرور بالله! سبحانه وتعالى!

قالوا - [00:36:35](#)

تلك اذا كرة خاسرة فانما هي زجرة واحدة انما هي انما مش انما زجرة انما هي زجرة يعني ايه؟ يعني بلاش نفخة كدابة بقى. بلاش نفخة كدا دا انتم ما فيكوش نفخة. هي هو فيروس واحد يتسلط على فلان يموته ويضيعه. هو زلزال واحد يتسلط على البلد دي -

[00:36:55](#)

ضيعها. هي صخرة واحدة وقعت على الدويقة من المقطم شوفوا عملت فيها ايه. الدفاع المدني والجيش والشعب والجمعيات ما حدش عارف يعمل حاجة. هي فانما هي زجرة. ده انتم ما فيكوش حتى زجرة واحدة. الزجر اللي هو الانتحار. اللي هو لما واحد

يسوق واحد وهو بينهاروا غصب عنه. منزر وهم - [00:37:15](#)

ساقه في ارض المحشر لكان الحشر. فانما هي زجرة واحدة فاذا اذا هنا علماء اللغة بيسموها الفجائية. اذا بعد ما كانوا في الدنيا

امين فاذا هم بالساهرة. ايه الساهرة دي يا جماعة - [00:37:35](#)

الزاهرة دي اللي هي ارض المحشر اللي هي الارض اللي هنبعث عليها وهنحاسب عليها. ربنا يدخلنا الجنة بلا حساب ولا عذاب يا رب.

يعني ربنا سماها الساهرة ليه؟ قال لك السهر ده يعني ما فيش نوم - [00:37:50](#)

عشان كده في ناس قالوا الساهرة اللي هي نفخة البعس ليه؟ لان من اول ما بتنفخ ما عدش فيه نوم. خلاص قال لك ارض المحشر

ساهرة ليه؟ ما حدش يعرف ينام. ما حدش يقدر ينام خمسين الف - [00:38:02](#)

ما حدش يعرف ينام. مين ده اللي يقدر ينام في وسط الاهوال دي؟ خلاص مضى عهد النوم مضى عقد النوم خلاص. يا جماعة ما هي سورة سورة النازعات بتقول لك مضى عهد النوم. النبي كان بيخرج في التلت الاخير. جاءت الراجفة تتبعه الرادفة. مضى عهد النوم -

[00:38:12](#)

خلاص فاذا هم بالساهرة كانوا زمان يسموا السحرة المهلكة الرهيبة الساهرة. ليه؟ لان اللي يدخلها يعدي منها لا يمكن يبجي له نوم لغاية ما يخلصها والا ممكن تموت ولا يخرج عليه وحش ولا اي حاجة. يبقى اذا يوم القيامة ارض المحشر الساهرة لان الناس ساهرة

فيها - [00:38:27](#)

لان الناس مش تقدرش تنام فيها. لان الناس ما تعرفش تنام فينام فين. ده ما هوش قادر لا يرتد ولا ينطفوه ده مش قادر يغمض عينه.

هيفمض عينه ازاي؟ خايف - [00:38:46](#)

الف حاجة وحاجة يومئها. فاذا مفاجأة فاذا هم بالساهرة. بعض الناس قال لك الساهرة ده يعني ارض المحشر كلها سراب المجرمين والفجار قاعدين يجروا ورا سراب طول الخمسين الف سنة يدوروا على مية. يجروا ورا سراب وهي كلها سراب ومش عارفين

يوصلوا لحاجة. والعياذ - [00:38:56](#)

بالله. بعض العلماء قال لك الساهرة هي النار. ليه؟ لان النار اذا دخل اهل النار النار لا يناموا والعياذ بالله. خلاص ما عدش فيه نوم

خلاص ما يعرفوش يناموا خلاص من اصناف العذاب. عذاب بيسلمهم العذاب والعياذ بالله. فاذا هم بالساهرة فاذا هم بالساهرة -

[00:39:15](#)

هل اتاك حديث موسى؟ ياه ياه هتلاقي نفسك فجأة وانت بتتكلم عن يوم القيامة وانت شايف المليارات واقفة في ارض المحشر

وشايف ناس بقى لها خمسة واربعين الف سنة ما نامتش - 00:39:35

بشر مليارات بقى لهم خمسة واربعين الف سنة ما ناموش مش عارفين يناموا. لا يمكن حد يقدر ينام ولا يرتاح ولا يغضب الله وقفني فيها اذا هم بالساهرة وفجأة تلاقي ربنا بيكلم سيدنا محمد هل اتاك حديث موسى؟ اسبت يا محمد بن عبدالله اسبت مش عشان عدى حداشر ولا - 00:39:49

سنة في مكة وكل التكذيب ده وكل التعزيب ده وكل التهديد ده قدامك. اسمك يا محمد يا ابن عبدالله. شف موسى لما ربنا قال له رح لفرعون راح لفرعون في اربع سطور. رسالة لكل داعية ولكل طاغية. قصة في اربع سطور. هل اتاك حديث موسى؟ طب يا رب - 00:40:09

يا رب هذه القصة في هذه السورة ليه؟ هذه القصة في وسط هذه الاحداث ليه؟ هل اتاك حديث؟ هل اتاك حديث موسى از ناداه ربه بالوادي المقدس طوى احداث خدت سنين على سنين. اتقضت وربنا قالها في اربع سطور. الدنيا قصيرة يا جماعة. يا جماعة يا اخوانا ما فيش حاجة ما لهاش تمن. احنا عايزين الجنة - 00:40:26

من غير ما ندفع تمن الجنة ازاى؟ يا اخواني كثير من الدعاة يطلع على المنابر ويقول ولا قاب ولا قابوا قوسي ولا قابوا قوس احدكم في جنة خير من الدنيا وما فيها. ولو اطلعت امرأة من اهل الجنة على الدنيا لاضاعت ما بينهما. ويتكلم يا جماعة الحديث ده جزء - 00:40:47

من حديث نقول اوله. مش نجيب الجزء بتاع النعيم ونسيب الجزء بتاع الشغل. اوله ايه؟ اوله لغدوة في سبيل الله. او راحة يعني ثلاث اربع ساعات شغل لدين الله بالنهار او او باخر النهار. لغدوة في سبيل الله او روح جهاد خير من الدنيا وما فيها. بعد كده النبي اتكلم عن - 00:41:07

يعني ايه؟ يعني الجنة دي جنة المجاهدين. يعني النعيم الرهيب والجمال الرهيب ده. والنعيم المزل والممتعة الرهيبة دي في جنة المجاهدين. كل ايات من ايات الجنة بيبقى وسطها عمل معين. العمل ده هو تمن النعيم ده. احنا بتقعد نوصف في النعيم ونسيب العمل اللي موجود. ربنا يقول ان المتقين في جنات ونعيم - 00:41:27

المتقين في جنات وعيون. ان المتقين في ظلال وعيون. يا عم ما هو ربنا قال ان المتقين. انت بتقعد توصف في الظلال والعيون وتنسى كلمة ان المتقين وتنسى المقام دهوت اللي لازم يحقق عشان النعيم ده يتاخد - 00:41:47

عايزين نفوق يا جماعة. يا جماعة احنا عايشين حياة قصيرة جدا. شوية وكل الهموم دي هتروح وهبيجي ناس غيرنا. وكل الاشخاص دي هتروح وهبيجي اشخاص غيرهم. شوية وهموم دي كلها تروح وقضاياك وهتلاقي نفسك في عالم ثاني. خسارة خسارة كل يوم بيعدي. خسارة كل ساعة بتروح. خسارة اعمارنا خسارة ايامنا خسارة - 00:42:01

ثروتنا هي اصلا اعمار قصيرة العمر قصير يا اخواني العمر قصير والجنة غالية جدا. الجنة غالية جدا يا جماعة. هنحصل تمن الجنة امتى حصل تمن النعيم ده امتى؟ هنحصل تمن الفردوس امتى؟ يبقى ازا ما فيش حاجة ما لهاش تمن - 00:42:21

لازم نشتغل اهو قص عشرات السنين وفي اربع سطور خلصت اربع سطور قصتنا هي كمان هتخلص يا جماعة. مهما طالت. هل اتاك حديث موسى از ناداه ربه الله اكبر! لحزة نداء الله - 00:42:39

لعبد من العبيد. لو جيش فيه ميت الف جندي ووقف القائد الاعلى للقوات المسلحة. ونادى واحد عسكري من الجنود باسمه يا شرف وسط الجيش كله. يا جماعة از ناداه ربه. تخيل لو المحافظ بتاع المحافظة بتاعتك قال لك انا اخترتك لمهمة از نادى - 00:42:53

ربه. رب السماوات والارض بيكلم عبد من العبيد. رب السماوات والارض من وسط مليارات المليارات من العبيد. والجنود بيكلم واحد من العبيد ويكلفه بمهمة. يا للشرف! از ناداه ربه بالوادي المقدس - 00:43:13

الواد المقدس طوى ايه اللي جاب سيدنا موسى الوادي طوى؟ اللي جاب سيدنا موسى للوادي المقدس بعض الناس قال الطوى يعني المثنى يعني الواد اللي قدس مرة على مرة يعني اللي تقديسه عظيم يعني. وبعض الناس قالت اسمه طوى بالوادي المقدس. سيدنا موسى يا رب كان ماشي تايه. ما بين سينا وما بين مدين يا رب - 00:43:32

ماشي والدنيا الدنيا ضلمة والمطر شديد وجوع واهوال وتاه من الطريق عليه الصلاة والسلام يا رب. سيدنا موسى ايه اللي جابه الواد المقدس ربنا بيسوق خطواتك ربنا اللي بيرتب طريقك. يا اخي اترك مولاك يقودك. سيدنا موسى في وسط ده ربنا يقوده للواد المقدس. يلاقي نفسه وسط الوادي المقدس - [00:43:52](#)

وربنا بيكلمه سبحانه وتعالى. نسيب ربنا يقودنا يا جماعة يا جماعة ربنا اللي يقودنا ربنا هو الذي يسيركم. ربنا اللي يسير خطواتنا. ربنا اللي يأخذنا الاعظم شيء. اذ ناداه ربه - [00:44:15](#)

وادي المقدسة طوى اذهب الى فرعون. اذهب الى فرعون انه طغى. زي ما ملك كبير في مملكة وواحد عمدة في عزبة تبع قربة تبع مدينة تبع محافظة في محافظة من محافظات البلد والمملكة دهى العمدة ده طغى يقوم الملك بيعت له عسكري صغير ولا جندي - [00:44:29](#)

يقول له رح لده هو. قل له يتعادل احسن له. ربنا بيبعت لفرعون الانزار. الانزار اللي قبل الاهلاك اذهب الى فرعون انه طغى. سيدنا موسى ما خافش سيدنا موسى يعلم هو مع مين ؟ سيدنا موسى يعلم ان هو مع الله. اللي مع الله ما يخافش اذ ناداه ربه بالوادي المقدس طوى. اذهب الى فرعون انه طغى - [00:44:49](#)

فقل فقل ايه ؟ فقل خد بالك ده انت هتروح في داهية فقل هل لك يا سلام شف الكلام الجميل هل لك الى ان تزكى تنصف بقى تتطهر بقى تعرفي طريق ربنا بقى تعيشي مشاعر الطهارة بقى تعيشي - [00:45:10](#)

الايمان والنضافة بقى. تعيش مشاعر ان ربنا راضي عنك بقى. تنامي وانت حاسة ان ربنا من فوق سبع سماوات راضي عنك بقى. تعيش مشاعرك حب الله بقى تدوقوا يا جماعة. هل لك الى ان تزكى ؟ هل لكم الى ان تزكوا ؟ هل لنا الى ان نتزكى - [00:45:27](#)
لك الى ان تزكى تطلع من بركة الطين اللي انت فيها دي وتنصف بقى. تطلع من رؤية نفسك ورؤية الدنيا والتعلق بها. مصيبة لما الانسان يجيب الحاجة اللي ما لهاش قيمة ولا لها لازمة ويعملها الهدف للحياة - [00:45:47](#)

زي اللوف المؤلفة اللي رايحة كاس العالم ده انتم رايعين فين يا ابني! بتتحركوا عشان هذه السفاهة ازاى عشان هذه السفهات هي الكورة حرام ؟ هي دي الكورة يا ابني! هي دي الكورة! هي دي يا اخواني - [00:46:02](#)

هل لك الى ان تزكى واهديك الى ربك فتخشى ؟ تعرف ربنا بقى ؟ تعرف الكنز اللي انت ما انتاش عارفه. تعرف الصفات اللي هتغير حياتك تقرب من مولاك وتعيش في كنفه. تعيش في جواره سبحانه وتعالى. اهديك الى ربة موسى بيقول لفرعون انا عارف ربنا. وعارف طريق - [00:46:15](#)

ربنا امشي ورايا وانا هاوصلك لربنا. امشي ورايا وانا هاوصلك لطريق ربنا يا جماعة. مين اللي يقول لنا الكلمة دلوقتي يا رب ابعت لنا حد يوصلنا لك يا رب يا رب ابعت لنا حد عارف طريقك يعرفنا انه يوصل لك ازاى - [00:46:36](#)

يعرفنا نرضيك ازاى. يعرفنا مرادك منا ايه. يعرفنا الارض لك ايه يا رب. واهديك الى ربك فتخشى آآ لما هتتعرف جلال الله كل زرة في قلبك يا فرعون هتزلزل من الخشية من جلال الله بس لما تصحى - [00:46:50](#)

واهديك الى ربك دي وزيفتنا. ان احنا نروح للكفار نقول لهم هנהديكم الى ربكم. طب احنا عارفين الطريق. مش لازم نعرف الطريق الاول. واهديك الى بك فتخشى فاراه الاية الكبرى العصاية والثعبان واليد البيضاء - [00:47:10](#)

بس هو فرعون شاف بعينه مش في قلبه. لو القلب الاعمى مهما العين شافت مش هتتأسر. لو القلب اصم مهما الودن سمعت مش هتتأسر. فرعون سمع ابن ماشطة بنت فرعون وهو قبل ما يترمى في الزيت المغلي بيقول لاهه اثبتي فانك على الحق. ورماه ورمها. قلوب صماء - [00:47:28](#)

ما هوش شايف فاراه الاية الكبرى. فكذب وعصى كذب ده يعني قلبه رفض لو انت قلبك رافض الكلام اللي انا باقوله هتتأسر ازاى ؟ لو انت قلبك رافض الحق مهما سمعت لو قلبك رافض. مهما سمعت لو قلبك رافض شيء من الحق - [00:47:48](#)

او جزئية من الحق مش هتتأسر ولا هتتغير ولا هتتقدم. ما ينفعش قلبك يرفض فكذب وعصى ثم ادبر يسعى يسعى دايم العاصي كده بيسعى. ويببزل اخر جهده عشان يحارب ربنا. يا جماعة العاصي بيتعب جدا يا جماعة. اللي عايز يزني والعايز بالله - [00:48:05](#)

ابزل مجهود قد عشرين جوازة وبیدفع فلوس قد عشر جوازات والعیاذ بالله. یا جماعة هو العاصي دایما كده بیتعب عشان المعصية اضعاف اللي كان هیتعبوا لو كان خدها من طريق الحلال. ثم اكبر قال لك اكبر لیه؟ قال لك اكبر خاف من كلام موسى. ما خلاش موسى یكلمه. ما رضاش یسمع لیه - [00:48:25](#)

ما جربتتش قبل كده؟ ما جربتتش قبل كده ان واحد من الناس الشباب الغير ملتزم لما تیجي تقول اللهم اهدنا یخاف یقول امین. یخاف. مرة بقول لواحد یا رب اهدیه یا رب قال لی لأ ما تدعلیش مش عایز - [00:48:46](#)
اكبر مدي ضهره خایف یعرف طریق ربنا. ثم ادبر یسعی اكبر یسعی یعنی ادى ضهره ومشی بقى. فماشى مارشیدیر فكل ما بینطلق بیبعد اكثر عن ربنا. فحشر نادى فی الشعب فنادی فقال انا ربكم الاعلی. فاخذه الله. كل اللي فرعون بناه فی - [00:48:59](#)
ربنا هده فی لحظات قدام عینیة فاخذه الله نکال الاخرة والاولی. ان التنکیل ان ربنا یعمل فیة حاجة تخلیه عبرة للدنيا كلها والنکل النکل اللي هو الجام لجام الحمار. یعنی فرعون تخیل وهو مصاب اللي جم بهیمة فی جهنم. منظره قدام الناس ایه؟ والنجم -

[00:49:19](#)
ان کمان اللي هو القيود الثقيلة وهو بیقید یوم القيامة قدام الناس كلها. ان فی ذلك لعبرة لكل طاغية لأ لمن یخشی. اللي عنده قلب هو اللي هیسمع الکلام ده - [00:49:40](#)
اللي عندها قلب هی اللي هتعیش مع الکلام ده. اللي عنده قلب ولا یعیش معه. بعد كده ربنا یحكي لنا قصة خدت ملایین السنین یا جماعة. لسه لنا دقائق استنى ده اخوك عایزین نلم موضوع الصورة الباقي. ربنا بیقول اتمتم اشد خلقا؟ یا اللي معندی انتم ام السماء بناها. تخیلوا یا جماعة الشمس والارض - [00:49:50](#)

لو كنا عایزین نربطهم مع بعض بدل قوة الجاذبية اللي ربنا وضعها فیهم كنا عایزین ملیون ملیون حبل فولاز كتر كل حبل خمسة متر تخیلوا یعنی الف مليار حبل فی خمسة متر فولاز. الحبل الواحد یشیل متین ملیون طن. تخیلوا قوة السماء دي. ربنا بیقول انتم انتم مش عایزین تفهموا - [00:50:09](#)

انتم مش شایفین القوة الرهیبة! مش شایفین الجبروت مش شایفین الملکوت؟ مش شایفین العظمة! مش شایفین الجلال! انتم مش عایزین تصدقوا! ده تعامل ناس مع رب بهذه القدرة! انتم اشد خلقا! ام السماء! بناها - [00:50:32](#)
رفع سمکها فسواها رفع السقف بتاعها علاها علاها زي قصور عالية رهیبة. فسواها واغطش لیلها زلم دامس. واخرج ضحاها نور باهر. والارض بعد ذلك ملایین السنین بقى بدأت الارض تكون نار. ملتهبة وبدأت تلف. والارض بعد ذلك دحاها. الدحي لما خباز یبدأ یعجن العجينة - [00:50:47](#)

سویها بیقی بیدحیها. الارض دي فی يد الملك كانها عجينة. یا جماعة ربنا قادر. یا جماعة ربنا قوي. السورة بتقول لك الله قوي قد ایه جنود ربنا اللي ذكرت فی اول السورة. قوية قد ایه؟ ربنا نکل بفرعون ازاى؟ ربنا رفع السماء ازاى؟ ربنا قادر ازاى - [00:51:11](#)
ربنا بیجب لنا المشاهد بتاعة القيامة. وبعد كده فازا وفی النهاية كل ده متاعا لكم ولانعامکم. متاع ده متاع الدنيا. اومال یا رب بقى اللي اطاعك. ده دول اللي ما قطعولکش - [00:51:31](#)

ادیتهم ده امال اللي قطعك هتدي له ایه فی الجنة یا رب متاعا لكم ولانعامکم. یعنی انت بتاکل من نفس الارض للانعام بتاکل منها الجنة حاجة تانية. فاذا جاءت الطامة الكبرى یوم یتذكر - [00:51:43](#)
الانسان ما سعى. الطمة الحاجة اللي هتظم على كل حاجة. اللي هتتنسک كل حاجة. وبعض العلماء قالت تم لحزة تنفیذ الاحکام. لحزة ما الکفار النار والمؤمنین یوصوا للجنة. لحزة التنفیذ لحزة ما اهل النار یتسلموا لمالك عهدة مع مالک. خازن النار یوم یتذكر الانسان ما سعد - [00:51:56](#)

برزت الجحیم. كل الناس شافوها لمن یری. لان فیة ناس معمية ما هیاش شایفة اتعبت فاما من طغى واثر الحیاة الدنيا اللي ما رضاش یزهد. اللي اختار الدنيا على ربنا. اللي اختار الدنيا على الجنة. اللي اختار الدنيا على الاخرة - [00:52:16](#)
اللي اختار شهواته اكبر وادا ضهره لربنا سبحانه وتعالی. واثر الحیاة الدنيا. فان الجحیم هی هی مش مکان تانی. مش هیروح ای

مكان ثاني هي المأوى. واما من خاف مقام ربه ونهى النفس عن الهوى. فان الجنة هي المأوى. في النهاية يسألونك عن الساعة -

[00:52:33](#)

كل ده لسة واقفين على شريط القطر وبيسألوا بعد كل الكراميك بعد كل هذه الاصوات على الظهور والقلوب. لسة بيقولوا ايام. ايان حلني ايانا مرساها. امتى الساعة هتيجي ما انت من ذكرها. كنت عبد. مين اللي يسأل عبد عن الساعة اللي لا يعلمها الا الله؟ بعض الناس قرأت انت من ذكرها. يعني يا رسول الله انت علامة من - [00:52:53](#)

علامات الساعة. القطر يا جماعة بدأ يصدر ابواق وهو جاي في الطريق. اللي واقفين على شريط القطر. علامات الساعة زي القطر اللي لسة ما شفنا هوش بس الابواق بتاعته بدأت تطلع وتزهر. بوق وراء ابوك واول صوت طلع كان بعسة رسول الله. انت من ذكرها الى ربك منتهاها - [00:53:16](#)

هو اللي بايدك كل شيء فيها. انما انت منذر من يخشاها. كانهم يوم يرونها لم يلبثوا الا عشية او ثلاث اربع ساعات اول النهار او ثلاث اربع ساعات اخره فضيحة. اول مشهد في الصورة والدنيا بتنتهي على فراش الموت. والنازعات غرقا. والدنيا بتتفضح اخر مشهد في الصورة. الدنيا عشية او ضحاها - [00:53:36](#)

والدنيا انتهت واتفضحت وتختتم السورة زي ما بدأت السورة. وزي ما كانت سورة النبأ قبلها. وربنا سبحانه وتعالى بيقول انا انذرناكم عذابا قريب سورة النزاعات جاية بقى بتقول ايوة العذاب قريب اوي. النهاية بتاعة الدنيا قريبة اوي عشية او ضحاها. وهتخلص يا جماعة. ايه الدنيا دي - [00:54:00](#)

ايه الدنيا اللي شغلتمك عني! ايه الدنيا اللي لهتكوا عني! ايه الدنيا اللي بعدتمك عني! ازاى يا جماعة! ازاى الدنيا دي بتشغلني عن ربنا! ثاني يا جماعة! سورة النزاعات بتنزع - [00:54:20](#)

الدنيا من قلبك سورة النزاعات بتنزع الدنيا من قلبك. سورة النزاعات بتقول لك لو ما نزعتش الشهوات من قلبك هتتنازع روحك من جسدك باشد الم عند الموت سورة النزاعات بتقول لك الحياة قصيرة. سورة النزاعات بتقول لك جاءت الراجفة تتبعها الرادفة مضى. النوم - [00:54:30](#)

فوق قم مضى عهد النوم. سورة النزاعات بتقول لك قم من على شريط القطر وفوقوا. فوق قبل ما القطر ييجي. سورة النزاعات يا جماعة. بتقول لنا خلاص المشاكل اللي احنا مشغولين بها فيه مشاكل اخطر منها. القضايا دي في قضايا اخطر منها. والله ما هنفكر حاجة من الدنيا دي يوم القيامة. ولا شهوات - [00:54:47](#)

ولا احلامها ولا ملذتها ولا متاحها. خلاص يا جماعة سورة النزاعات بتنزع الدنيا من قلوبنا. الليلة ان شاء الله بازن الله نعيش مع سورة النزاعات نصلي بها لو حفزتها وحفزتها وصلينا بها قيام ليل يا اخواني بازن الله سبحانه وتعالى نعيش بقى مع اية اية ومع معنى معنى معنى معنى لو نقدر يا جماعة - [00:55:07](#)

دروس التفسير بالزات. تجيب الدرس ثاني من على انت وتسمعوا وتعيش معه بحيس ان الاية تتحفر في قلبك يا ريت يا اخواني. يا ريت يا اخواني نعيش مع الايات نعيش معها. نقرا تفسير السورة ولكن نقوم الليل - [00:55:27](#)

فيها بازن الله ما تنسوش تلتاشر واربعتاشر وخمستاشر يوم الجمعة الجاية دهى ان شاء الله. يوم الجمعة يوم تلتاشر في الشهر العربي. من صام يوما في سبيل الله الله وجهه عن النار سبعين خريفا او خندقا كما بين السماء والارض تلتاشر واربعتاشر وخمستاشر زائد الاثنين والخميس في الاسبوع ده ما ننساش عشان شعبان - [00:55:40](#)

جاي نصومه كله بقى ان شاء الله. وبعد كده رمضان ندخل رمضان مستعدين بازن الله نهاية يعني في اخر دقيقة. بازن الله بزركرم ان احنا بازن الله سبحانه وتعالى عاملين مشروع - [00:56:00](#)

لتوزيع عشرين الف كرتونة رمضان على الاسر الفقيرة بالزات في القرى. بالزات الناس المعدمة في القرى. عشرين الف كرتونة يعني عايزين لهم كم مليون جنيه دول بازن الله ان شاء الله اكثر منهم كمان هيجوا بازن الله. ان شاء الله يا جماعة السلع دلوقتي لسه رخيصة. السلع دلوقتي لسه ممكن تتجابه بارخص من ايام - [00:56:10](#)

رمضان لسه دلوقتي يا جماعة الفقرا بدأم يستشرفوا نسائم رمضان. عايزين نقوم يا جماعة عايزين نساعد الفقراء عايزين نعمل حاجة. عايزين نستغل كل كل ساعة وكل مليم معنا وكل لحزة في حياتنا ان احنا نتعب الفقراء كل عمل صالح ما نضيعوش -

00:56:30

كل فرصة ما نضيعهاش لان الوقت خلص. فانا بذكركم بمشروع عشرين الف كرتونة من كراتين رمضان للاسر الفقيرة. خاصة يعني ممكن حوالي خمستاشر الف اسرة منهم ان شاء الله هيقوا من القرى اللي هو المحرومين اللي ما حدش بيوصل لهم باذن الله. اللي

عايز يتبرع يعني على آآ جمعية العدل والاحسان على جمعية العدل والاحسان - 00:56:47

صفر واحد اربع تمنيات ثلاثين تمانين صفر واحد اربع تمنيات ثلاثين تمانين رقم بسيط جدا جدا. صفر واحد اربع تمنيات ثلاثين تمانين. خلاص يا اخواني عشرين الف كرتونة يا ترى هتشارك منها بكم؟ يا ترى هتشاركي منها بكم؟ من اول الوقت ان شاء الله بازن

الله. نبدأ نتصل ونبدأ ننطلق - 00:57:07

وما نسيبش طاعة ونصلي بالصورة ونصوم وما نسيبش باب من ابواب الخير بازن الله لحد ما حب الدنيا يتنازع من قلوبنا. نسأل الله سبحانه وتعالى ان يفقهنا في القرآن وان يتوب علينا توبة يرضى بها عنا. وان يبلغنا رمضان وان يجعلنا فيه من الفائزين. وان

يستخدمنا ولا يستبدلنا انه ولي ذلك والقادر عليه - 00:57:34

اقول قولي هذا واستغفر الله لي ولكم. سبحانك اللهم وبحمدك اشهد ان لا اله الا انت استغفرك واتوب اليك جزاكم الله خيرا -

00:57:54